

## ZAJEDNIČKA IZJAVA

usvojena na Petoj konferenciji parlamentarnih odbora za evropske integracije zemalja učesnica Procesu stabilizacije i pridruživanja u Jugoistočnoj Evropi

Beograd, 23. i 24. novembar 2009. godine

U funkciji redovne razmjene stavova o pitanjima koja se tiču Procesu stabilizacije i pridruživanja, zemlje učesnice Pete konferencije COSAP-a u Beogradu:

- Izražavaju punu saglasnost i podršku procjenama navedenim u Strateškom dokumentu Evropske komisije o proširenju EU i ključnim izazovima za 2009./2010., uvjereni da obnovljeni konsenzus o proširenju iz decembra 2006.godine otvara put ka jačanju demokratije, poštovanju ljudskih prava, vladavini prava i održivom razvoju u regionu i Evropskoj uniji; Također izražavaju punu spremnost za ispunjavanje preostalih uslova i preporuka Evropske komisije iz godišnjih izveštaja i evropskih i pretpristupnih partnerstava;

- Pozdravljaju ratifikaciju Ugovora iz Lisabona i reformu institucija proširene Unije s ciljem prilagođavanja njenih politika brzim promjenama koje se dešavaju u svijetu, uvjereni da će reforme dodatno osigurati i olakšati institucionalni okvir za daljnja proširenja. Umjesto tvrdnje „bez oporavka nema proširenja“, tvrdimo „bez proširenja nema Evropske unije“;

- Pozdravljaju prijedlog Evropske komisije i zaključke Vijeća ministara usmjerene na uspostavljanje bezviznog režima za sve zemlje pošto ispune uslove iz mape puta, ukazujući da je sloboda kretanja građana preduslov za mir, slobodu, ekonomski i socijalni razvoj;

- Pozivaju Evropsku uniju da zadrži jasan signal podrške da će se u narednom periodu nastaviti proces proširenja na zemlje Jugoistočne Evrope, imajući na umu da će se on pozitivno odraziti na sigurnost i stabilnost u regionu i Evropi u cjelini. Izražavaju uvjerenje da će buduća proširenja biti realizirana na osnovu utvrđenih kriterija bez nepotrebnih odgađanja i da će svaka zemlja biti ocenjivana posebno, na osnovu pojedinačnih učinaka;

- Pozivaju Regionalni sekretarijat za parlamentarnu saradnju da posreduje kod parlamenata država članica Evropske unije da se parlamentarni odbori za evropske integracije država Jugoistočne Evrope uključe u rad COSAC-a u svojstvu posmatrača ili pridruženih članova, što bi direktno uticalo na poboljšanje kvaliteta rada tih odbora;

- Pozdravljaju mogućnost korištenja Instrumenta za pretpristupnu pomoć EU u Procesu stabilizacije i pridruživanja do ispunjenja kriterija neophodnih za članstvo i izražavaju uvjerenje da će novi instrument pružiti značajan podsticaj unapređenju

administrativnih kapaciteta a posebno administrativnih kapaciteta parlamenata, modernizaciji i reformama u skladu s *acquis communautaire*, pospješiti prekograničnu saradnju i saradnju predstavnika civilnog društva, lokalnih vlasti i privrede;

- Ohrabruju sve zemlje učesnice Procesu stabilizacije i pridruživanja da nastave napredak u okviru procesa evropskih integracija, provodeći sveobuhvatne društvene reforme koje će uticati na jačanje demokratskih i institucionalnih kapaciteta ovih zemalja i funkcioniranje njihovih tržišnih ekonomija;

- Naglašavaju potrebu daljnjeg razvoja uzajamne saradnje, razmjene iskustava i međusobne podrške s ciljem uspostavljanja stabilne vladavine prava, odlučne borbe protiv korupcije, terorizma i organiziranog kriminala, a s tim u vezi posebno potrebu unapređenja integriranog upravljanja granicama;

- Podvlače potrebu za saradnjom i razmjenom iskustava zemalja Jugoistočne Evrope, posebno naglašavajući neophodnost ulaganja zajedničkog napora u prevođenju *acquis communautairea* na južnoslovenske jezike, uzimajući u obzir njihove sličnosti;

- Potvrđuju spremnost za većim angažiranjem u regionalnoj saradnji, kroz Regionalno vijeće za saradnju, provođenje Sporazuma *CEFTA*, Sporazuma o energetske zajednici, Ugovora o zajedničkoj evropskoj zrakoplovnoj oblasti, kao i kroz produbljivanje saradnje u oblasti ekonomije, kulture, tehnologije, prosvjete, nauke i istraživanja;

- Potvrđuju spremnost za jačanje regionalne parlamentarne saradnje kroz podršku Regionalnom sekretarijatu za parlamentarnu saradnju i stalno uključivanje članova parlamenata u njegov rad, kao i daljnju institucionalizaciju i jačanje inicijativa u okviru Procesu saradnje u Jugoistočnoj Evropi;

- Podržavaju inicijativu da se organizira Samit EU – Zapadni Balkan u prvoj polovini 2010. godine, na desetogodišnjicu Samita u Zagrebu, na nivou Samita iz Soluna iz 2003. godine, s jasnom porukom regionu o perspektivi njegovog pristupanja Evropskoj uniji;

- Zaključuju da je evropska perspektiva regiona i skora integracija u EU ključ za put sigurnosti, stabilnosti, dobrosusjedskih odnosa, razvoja i ekonomskog prosperiteta, a međusobna saradnja zemalja regiona u svim oblastima neophodna za jačanje svake zemlje pojedinačno i stvaranje atraktivnog i razvijenog dijela Evrope.